

Vitti 'nna littra sutta lu purtuni  
fui curiùsu e la vosi taliàri  
appena la liggìvi, chi cunfusiòni  
m'avianu scanciàtu pi Berlusconi

**Rit:** ed è munnizza, munnizza, munnizza, munnizza

A llampu li me cunta vosi fari  
pi vidiri quant'era l'ammontari  
dopo du uri capivi chi la munnizza  
costa quantu un chilu di sasizza

**Rit:** ed è munnizza, munnizza, munnizza, munnizza

M'innivi subbitu a la Comuni  
pi gghiri a parlari all'assessuri  
ma appena iddu mi vitti arrivari  
vutàu tunnu e si iu ammucciàri

**Rit:** ed è munnizza, munnizza, munnizza, munnizza

Vosi arrivàri allura 'nta l'avvocatatu  
e iddu: "figghiu miu, chistu è l'ATO"  
ma eu un capivi chi latu è  
picchè a mia mi parsi di darrè

**Rit:** ed è munnizza, munnizza, munnizza, munnizza

Accussì un si pò cchiù campàri  
eu lu ggiustu lu vogghiu paàri  
ma a stù prezzu iddi m'annu a lavari  
lu mussu e poi lu culu m'annu a stuiàri

**Rit:** ed è munnizza, munnizza, munnizza, munnizza

Fabrizio Tritico